



Broj: 01-01-34-0775/20
Sarajevo, 23.04.2020. godine

Na osnovu čl.112. i 27. Zakona o radu („Službene novine Fedreacija BiH“, broj: 26/16 i 89/18) te člana 32.Zakona o ustanovama („Službeni list R BiH“, broj: 6/92, 8/93, 13/94), člana 24. Statuta Javne ustanove „Služba za zapošljavanje Kantona Sarajevo“ Sarajevo, broj:05/1-3306/08 od 22.05.2008. godine, 05/1-0224/12 od 08.02.2012.godine, 05/1-0542/12 od 21.03.2012.godine i 05/1-0867/16 od 27.06.2016.godine, zaključuje se dana 23.04.2020.god.

ANEKS
UGOVORA O PRAVIMA I OBAVEZAMA DIREKTORA JAVNE USTANOVE
„SLUŽBA ZA ZAPOS LJAVANJE KANTONA SARAJEVO“
SARAJEVO

Zaključen između:

1. Upravnog odbora Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba), zastupanog od strane predsjednika Upravnog odbora [REDACTED]
[REDACTED]
1
2. Direktora [REDACTED] po zanimanju diplomiranog pravnik, nastanjenog u [REDACTED]
[REDACTED]

Član 1.

Ugovorne strane saglasno utvrđuju da je između njih zaključen Ugovor o pravima i obavezama direktora Javne ustanove „Služba za zapošljavanje Kantona Sarajevo“ Sarajevo dana 15.07.2019. godine pod brojem: 09/1-2214/19 (u daljem tekstu:Ugovor).

Član 2.

Ugovorne strane saglasno utvrđuju da se u članu 5. Ugovora dodaje stav 2. koji glasi:

„ (2) Služba preuzima obavezu i jamči direktoru da će mu nadoknaditi, u punom iznosu, sve troškove koje ima ili bi mogao snositi kao odgovorna osoba u funkciji zastupanja Službe, to uključuje i parnične troškove, prekršajne i novčane kazne koje bi ga mogle teretiti radi Službe i položajne odgovornosti.

Član 3.

Ugovorne strane saglasno utvrđuju da se mijenja član 8. Ugovora, tako da isti sada glasi:

- (1) Mandat direktora, prije isteka vremena na koji je imenovan, može prestati prijevremenim razrješenjem ako se utvrdi da je odgovoran za nezakonit rad Javne ustanove i utvrđene finansijske gubitke, utvrđene od strane pravosudnih organa.

- (2) Odluka o razrješenju direktora prije isteka mandata, mora biti detaljno obrazložena u protivnom je ništavna.
- (3) Postojanje važnog razloga mora se utvrditi prije donošenja odluke o opozivu što znači da naknadno iznošenje tog razloga nije opravdano. Svako stanje koje opravdava postojanje važnog razloga valja dokazati činjenicama, dokazima i valjanim pravnim obrazloženjem
- (4) Razrješenje direktora prije isteka mandata na koji je imenovan, može se pobijati tužbom pred nadležnim sudom.
- (5) Da bi direktor bio razrješen sa pozicije direktora zbog neusvajanja izvještaja o poslovanju koji obuhvata izvještaj o radu sa izvještajem o finansijskom poslovanju Službe, mora na poziciji direktora provesti duže od šest mjeseci izvještajnog perioda kalendarske godine za koju se izvještaj razmatra.
- (6) Izvještaj mora biti sačinjen u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa, sa obaveznim priložima iz tačke XIII stav 2. da bi isti mogao uticati na ocjenu rada direktora.

Član 4.

Ugovorne strane saglasno utvrđuju da se mijenja član 10. Ugovora, tako da isti sada glasi:

- (1) Po prestanku obavljanja funkcije direktora, sa imenovanim će se zaključiti ugovor o radu na neodređeno vrijeme, na neko od upražnjenih radnih mjesta u Javnoj ustanovi u skladu sa stručnom spremom.
- (2) Ukoliko se ne zaključi ugovor o radu iz prethodnog stava, Javna ustanova se obavezuje da će imenovanom isplaćivati naknadu plaće za period dok traje mandat na koji je imenovan na poziciju direktora.


Član 5.

Sve ostale odredbe Ugovora ostaju nepromijenjene ukoliko nisu u suprotnosti sa ovim aneksom.

Član 6.

Ovaj aneks je sklopljen u četiri istovjetna primjerka od kojih se dva uručuju direktoru, a preostala dva zadržava Javna ustanova.

**PREDSJEDNIK
UPRAVNOG ODBORA**



DIREKTOR

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel: ++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

